

T V R C I C V M I M P E R I V M.

menses VI. Filios reliquit Calapinum, Mahumetem, & Mustapham.

*Calapinus*, qui & *Alpin*, subito extinctus est; filius ejus Orchanes à Moysè patruo occisus: ipse etiam Moyses à fratre Mahumete I. Hic Valachiam Macedoniamque omnem devicit, signaque Turcica ad Ionium usque pelagus protulit. Regiam constituit Adrianopoli, & postquam imperasset annos XVII, vita functus est anno Domini CCCCCXXXII. ei successit *Amurates* II, qui *Mozatbeq* suis. Hic Genuensium opera in Thraciam delatus, patrum suum Mustapham, cui Græci addictiores erant, bello vicit. *Thessaloniam* urbē antiquam, & tum temporis amplitudine, amoenitate, opibus, situq; illustrem, quam tunc Veneti tenebant, evertit; *Cyprum*, *Epirum*, *Aitoliam* subigit. Quumque intelligeret, rebus suis stabiliendis, Christianorum vero debilitatis, magnopere sibi Georgii Despotæ, Serviæ domini, amicitiam prodesse posse, eam omnibus modis ambiuit, ducta insuper ejus filia in uxorem. Fretus itaque tum suis viribus, tum perfidi Despotæ fide, Belgradum ad Savi & Danubii confluentem sitam urbem, quam paulo ante Despota Sigismundo Imperatori dono dederat, oppugnare aggreditur. Periere in ea obsidione septem Turcarum millia. Hac victoria confirmati Christianorum animi majora sperare incipiunt. Vladislau Poloniæ & Hungariæ rex, Ioannem Hunniadem ob res bene gestas Vaivadam five Ducem Transilvaniæ fecerat. Hic Serviam ingressus, Turcas expulit; eos denique postea, Transilvaniæ fines ingressos, longe lateque stravit. Posthac in Bulgaria sexies uno die cum Turcis justo prælio decertans, semper victor evasit. Capta ibi hostium millia quatuor, signa novem, duces tredecim. Ad extremum Amurathes tot malis amens, indignansque induciarum foedera sancte concepta, Eugenii Pontificis suauitu ab Vladislao temere erupta esse; copiis suis omnibus collectis, extrema experiri statuit. Erant tunc forte castra Christianorum ad lacum Varnensem. Turca corruptis speculatoribus, infra Callipolim ex Asia in Europam repente transmisit exercitum; solvitque Genuensis bus, penes quos faucium illarum potestas erat, centum millia aureorum. Pugnatū est utrinque magnis animis tres dies perpetuos. Tandem Victoria penes Amurathem fuit, merito Christianos fractæ fidei incusantem. Rex Vladislau eo prælio confectus interiit. Hunniades ægre salvus evasit. Julianus Cardinalis, auctor, ut quidam volunt, rupti federis, equo delapsus, miserè animam in devio saltu exhalavit. Quibus rebus elatus Amurathes, murum Hexamilum in Isthmo Corinthiaco exstructum diruit: ac tandem in Prusia Bithyniæ urbe, in qua sedes tunc erat Imperatorum, vitam finiit, anno imperii sui XXX. Sufficit ei fuit in imperio Mahumetes II. Hic cum tyrannidem suam fratris nece stabilivisset, Constantinopolim expugnavit, anno 1453, penultima die mensis Maji. Postea Bulgariam oc-

cupavit, & arcem Rasciæ ad Danubii ripam, quam vocant Smideron; tum Dalmatiæ & Croatiæ, cum Rascia omni. Trapezuntem etiam visit, & Mitylenem, cum aliis quibusdam Ægæi maris insulis. Eubœam cepit & Theodosiam, quæ nunc Caffa dicitur, Genuensium urbem, in Taurica Chersoneso. Tandem frustra oppugnata Rhodo obiit Cal. Maji, an. 1481. Regnavit annos XXXI. vixit LVIII. Filios reliquit Bajazetum, & Zyzymum. Bajazetus II rerum potitus, frater, frustra Sultani Ægyptii auxiliis adjutum Prusia, Asiaque omni expellit, qui cum ad Christians defecisset, & Rhodum venisset, inde missus est in Galliam, postea anno 1488 Romam ad Innocentium VIII, neque multo post ab Alexandro Papa veneno porrecto extinctus est. Bajazetus interea *Ciliam* & *Album Castrum* in Moldavia expugnavit: *Modon* insulam & urbem Venetis eripuit: cum Sophi rege Persarum diu infeliciter bellum gessit. Imperavit annos XXXII. Zelymus I filius, vitæ patris pertesus, eum veneno interfecit. Idem fratres nepotesque strangulati jussit. Primus in Africam trajecit, & ejecto Sultano magnam partem Ægypti occupavit. Constantinopolim reversus, cancro renes deponiente extinctus est, anno M.D. XX, postquam regnasset annos 8, vixissetque XLVI. Successit ei Solymanus, qui Belgradum cepit, Rhodum, Strigoniūm, Budam, aliasque Hungariæ urbes. Obiit anno imperii sui XLVI. Sequutus est Zelymus II, qui Cyprum Venetis ademit, Tunetum & Goulettam occupavit. Hoc imperante classis Turcica ad Naupactum memorabili victoria à Christianis profligata est. Eum Amurathes III exceptit & hunc Mahumetes III, qui parricidio interemtis fratribus duodeviginti imperium auspiciatus est. Post hunc Achmetes, & Mustapha frater Achmetæ, & Osmannus imperavit, quo, ob res infelicitate gestas adversus Polonum, aliasque interfecto, successit iterum Mustapha, illi vero frater Osmanni Amurathes IV, qui etiamnum imperat. Ex quibus omnibus constat, Turcarum Imperatorem latas admodum amplaque regiones tenere. In Europa Hungariæ magnam partem, & Thraciam, cum Græcia, hoc est, Macedonia, Epiro, Achaja, Peloponneso, & insulis maris Ægæi possidet: præterea Illyridis five Slavoniæ partem: tum Bosnam, Serviam, Rasciam, & Bulgariam. In Africa habet Algerium, Tripolim, totam Ægyptum, ab Alexandria usque ad Asinum urbem, quæ Syene est. In Asia vero habet Natoliām, quæ est Asia minor, Cyprum, Palæstinam, Cælesyriam, Babyloniam, Arabiam omnem cum Armenia.

Forma Imperii Turcici plane est despotica & Monarchica. Adeo enim absolute rerum omnium intra fines sui dominii contentarum Dominus est, ut incolæ se mancipia ejus non subditos nuncupent. Nec sui quisquam juris est, multoque minus domus, quam inhabitat, ant terræ, quam colit, dominus est, exceptis aliquot familiis Constantinopoli, quibus præmii loco & pri-

*Regiones  
subditæ  
Turcicæ.*

*Forma re-  
giminiæ.*